

NAMBA 6

TRINDE OKTOBA 21

PRAIS 10¢

## ***Kapul - Yu Sindaun Yu Stap***



***Saveman Bilong  
Ghana Lukluk Raun  
Long Hailans***

***Lukim Pes 8 Na 9***

***Guise I Ting  
Ating Mi Birua A?***

***Lukim Pes 4***

# PAS I KAM LONG EDITA

Sapos yu gat tok yu raitim sotpela tasol. Sapos yu raitim longpela bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela prinim nem bilong yu tru orait yu raitim arapela nem bilong yu tu.

## Aidia I No Stret

Dia Edita:- Mi bin kirap nogut tru long ritim leta bilong pren hia, Helen Martin. Pren hia i kisim bek stori bilong baibel, em i gutpela, tasol em i no ting long kain kain wok bilong misin na nupela we bilong laip.

Misin i wok hat tru long yumi. Misin i kirapim hai skul na planti ol liklik skul tu. Misin yet, i brukim bus na bringim ol gutpela samting na givim save long yumi ol yangpela man bilong Is Sepik. Misin tu i lukautim planti skul moa insait long dispela distrik. Misin i helpim planti man insait long ol viles long bisnis bilong ol.

Misin i no krai long mani. Misin i no kam hia long kisim mani bilong ol man. Ol i no kam hia long pulimapim poket bilong ol. Misin i save go long ples bilong em na bungim mani long ples bilong em na putim insait long Niugini.

Misin i no ken pasim maus. Ol i ken mekim wanem kain samting ol i laik na autim wanem kain tok ol i gat olsem ol arapela man bilong graun. Sapos misin i gat wanem kain wari, em i ken autim. Em i no kantri bilong komunis na bai wanpela man tasol i tok na ol arapela i pasim maus. Em i no stret tru.

Tru stori bilong baibel i skulim yumi long gutpela we bilong laip. Tasol nau, nupela pasin i

kamap na i daunim olpela pasin bilong bipo. Ol man i wokim nupela kain kain samting na sindaun bilong ol man i antap tru. Sapos yumi traim bihainim liklik liklik step bilong baibel i go bek, nating bai yumi go bek long pasin bilong bipo tru. Pasin bilong ol Juda i no wankain long pasin bilong ol man bilong Is Sepik.

Gavman i bilong misin tu. Misin i ken mekim wanem kain tok o wanem samting ol i laik taim gavman i mekim gut wok bilong ol o sapos sampela samting i rong insait long gavman. Misin wantaim gavman i wok wantaim na bai bringim dispela kantri i go het. Sapos misin i no amamas long wok gavman i mekim, em i ken toktok na stretim tu. Sapos misin i gat wari, em i ken toktok na i no gutpela long pasim maus. Lukim tupela sait pastaim na bihain orait yu ken raitim leta nogut long arapela man o misin.

J.P. Andrew Dambui  
Burui

## Bikpela Wok Tru

Dia Edita:- Mi bilong Chimu. Mi ting ol misinari i mekim bikpela wok tru long yumi. Mi no bin lukim long olgeta hap bilong Niugini, tasol mi save long ples bilong mi yet long Hailans.

Long ples bilong mi, misin tasol i pulap, na ol i wokim planti haus skul, na planti haus sik, na planti haus lotu, na ol i lusim bikpela mani moa long dispela samting. Long taim ol i laik go bek long ples bilong ol, ol i no inap karim sampela mani i go long kantri bilong ol. Olgeta mani ol i kisim long liklik bisnis bilong ol, bai ol i mekim wok long

yumi yet, Olsem na mi ting ol misinari i no ken baim takis.

Long wanem ol i no askim yumi long peim olgeta wok ol i mekim long yumi. Planti yangpela manmeri i kisim bikpela save long misin. Sampela i stap nau long Yunivesiti na planti tu ol i stap nau long Hai Skul na planti i kisim ol gutpela gutpela wok pinis.

Ol i no askim yumi long baim dispela bikpela wok ol i mekim long yumi.

Orait, mipela i no ken askim ol long baim takis.

Joseph Kaglan  
Kepamo

## Ol Gutpela Toktok

Dia Edita:- Insait long "Wantok". Septemba mi bin ritim tupela hap stori em long Mista John H. Knawy na Yogi Bonifaz bilong Goroka i bin raitim. Mi amamas tru long ol gutpela toktok bilong tupela, em long olgeta misinari i no ken baim takis long lokal gavman kaunsil.

Yumi save ol misinari i kam hia long kantri bilong yumi Niugini, ol i no kam long wok mani o wokim planti bisnis bilong ol hia. Nogat tru! Olsem mi yet mi wanpela misin tisa na mi stap namel long planti misinari na lukim ol gutpela wok ol i save mekim insait long yumi.

Long ting bilong mi yet na mi ting ol narapela, sapos ol i ritim dispela tok bilong mi hia, ating bai ol i ken sambai long tok bilong mi tu.

Lukim ol hamas manki na meri ol i kisim pinis gutpela wok nau, na sindaun olsem wanpela ofisa bilong gavman. I nogut sapos yumi olgeta i ting bek olsem planti bilong ol sumatin hia, ol i bin

stap pastaim long misin skul.

Hamas bikpela skul na haus sik hia long ples bilong yumi em ol misinari i save lukautim ol. Ol wok mani? Wan wan i askim yu yet.

Na olsem wanem dispela man nem bilong em Mista Wally Johnson i laikim ol misinari bilong baim takis i go long kaunsil. Lukluk i go bek long wok bilong tupela kain meri i save wok long ol bikpela haus sik bilong yumi. Misin sista na gavman sista. Husat bilong tupela i save kisim bikpela mani. Tupela meri i lusim ol papamama na ples bilong ol na kam stap namel long yumi. I wankain, laka? Tingting gut.

Ol hamas waitskin man i wok long yumi. Planti ol misin na; tu ol i ofisa bilong gavman o wanem kain wok bilong ol. Husat bilong ol misinari i kisim bikpela mani. Hm! Olgeta i lusim ples bilong ol, laka? Orait, ating long ting bilong mi yet, mi laik bai ol misinari i no ken baim takis.

Thomas Sirip  
Manus Ailan

## Taun Maket I Sting

Dia Edita:- Mi lukim wanpela samting long taun i no stret. Mi lukim taun maket i no gutpela. Ol manmeri i save kaikai buai na spet na tromoim pipia nabaut long maket. Na maket i sting na pulap long blulang. Ol kaunsila na komiti tu i no save lukautim dispela maket. Ol kaunsila i pulap nating long Sab-distrik Ofis, na i no save lukautim maket.

Hap bilong mi long Hagen, maket i klin moa. Nogat liklik pipia i stap insait na ausait long maket. Em tasol.

Francis Olding  
Wewak

## Mi No Klia

Dia Edita.- Long wan-tok bilong trinde Oktoba 7, 1970, i gat pas i kam long Helen Marten bilong Ambunti. Helen i tok long lukim Baibel na painim tok long Jisas i baim takis. Jisas i no laik ol pipel o gavman i kirap nogut na toktok planti, olsem em i baim takis. Hap tok hia-"God em i inapim mipela long baim takis". Mi no klia tumas long dispela hap tok, tasol mi ting Helen i mining long tok, olgeta i gat mani bilong baim takis. Sapos em i mining olsem, orait em i mas save, i no olgeta man o meri i gat rot bilong painim o kisim mani. Helen i gat mani, olsem em i ken pasim maus na baim takis. Helen i tok tu long yumi i mas pasim maus na bi-hainim ol lo gavman i putim. Yumi mas bihainim ol lo bilong gavman long wanem God yet i putim gavman long lukautim yumi. Tasol gavman i mekim wanpela lo i no stret, olsem wanem yu bai samapim maus bilong yu na bihainim dispela lo?

John H. Knawy,  
Wewak.

## Planti Laik Selp Gavman

Dia Edita:- Na wanples ol brata. Wanpela tingting bilong mi i olsem:

Planti bikpela man bilong Haus na planti moa long ples nabaut long Niugini i tok ol i laik kisim selp gavman na independens kwiktaim tasol.

Na planti man tu ol i no laik ol dispela samting i kamap kwik. Na olsem wanem? Mi ting i olsem: selp gavman na independens i nating tasol. Sapos yu laik yu ken kisim tumora o bi-

hain long wan handet yia. Olsem na yumi no ken toktok long ol dispela samting.

I mobeta yumi mas tok-tok long kirapim gutpela strongpela ami na tu ol bikpela faktori bilong wokim ol kain kain samting. Long wanem nau ol bikpela faktori nabaut i bilong ol waitman tasol. Sapos yumi kisim independens na rausim ol waitman, bai ol i kisim faktori bilong ol i go na yu ting bai husat bilong yumi i gat pawa bilong kirapim ol gen? Mi ting bai yumi lus stret.

Wanpela tingting bilong mi i olsem, mi ting bai yumi kisim selp gavman long namba wan de bilong mun Januери long 1995 na independens long namba wan de bilong Januери 2000. Bikos em bai givim inap taim bilong yumi redim dispela samting. Na tu i moa gutpela long stori bilong kantri bilong yumi. Mi ting em i wanpela gutpela aidia tru, tasol yu husat rida bilong niuspepa Wantok na yu ting i no stret, orait mi bai amamas tru long harim long yu.

Francis Gunua  
Chimbu

## Nem Pagini Mobeta

Dia Edita.- Mi wanpela sumatin hia long Fatima Hai Skul na mi laik autim laik bilong mi yet long selp gavman. Mi no bin hepi long tok bilong Mista Melchior Ganam i tok em i laikim yumi ken wet long 10 o 15 yia moa long selp gavman o "home rule".

Mi no laikim aidia bilong em long wanem, nogut mipela kisim selp gavman na independens long wanpela taim tasol, bai Papua na Niugini i painim hat tru long tupela bikpela wok wantaim. Olsem na mi laikim selp gavman long 1971 na independens long 10 o 20 yia moa.

Papua na Niugini i mas lainim sampela samting pastaim na bihain independens i ken kamap. Mipela i mas mekim wanpela samting pastaim na bihain arapela samting. Papua na Niugini i redi pinis long "home rule" na independens i no yet.

Anthony Klanju  
Banz

## Yumi Save Pastaim

Dia Edita.- Nem bilong mi Philip Nimbiuru. Mi laik mekim liklik toktok bilong mi long pas bilong Genzi KENZA bilong Kabwum.

Yes wantok, yu laikim nem Gini long kantri bilong yumi. Em i gutpela, planti man i laikim dispela nem.

Sapos yumi kisim nem Gini orait yumi no ken kolim Papua na Niugini Yunaitet Kantri. I mobeta sapos yumi kisim nem Pagini em i olsem yumi wanpela kantri tasol. Sapos yumi kisim Gini orait Papua em i bilong em yet. Yu ting olsem tupela i mas stap wan wan.

Philip Nimbiuru  
Wewak

## Ol Memba No Ken Slip

Dia Edita:- Mi wanpela tisa bilong Luteran Mission. Nau mi stap long hap bilong S.D. Gumine. Mi laikim tru Wantok niuspepa na mi hepi tru na mi amamas.

Selp gavman bai kamap long bikpela taun a? Selp gavman em i bilong yumi olgeta man. Yu wanem man yu stap long bikpela taun tasol yu i no inap karim wok bilong selp gavman. Nau yumi gat save na man i no gat save i pulap tru long olgeta taun. Yu wanem man i gat save. Hai skul fom 1 2 3 inap long 8 sam-

ting yu tasol i no inap kirapim dispela kantri. Yu wanpela man tasol i gat save, em yu i no inap helpim olgeta man long taun na ples i go long bus. Yu wanem man i gat save yu mas tingting long i stap ples na bus pastaim.

Selp gavman i kamap bilong ples na bus tu o nogat? Plenti manmeri long bus ol i no klia yet. Olsem na yumi mas tingting long planti manmeri.

Dispela wok bilong kisim selp gavman, em bai kamap long manmeri tru. Yumi sampela raun long taun nabaut em yumi no inap karim hevi. Planti manmeri bilong ples ol i no klia long dispela nem selp gavman. Wanem kain mining bilong dispela nem selp gavman na wok bilong en ol i no klia.

Sampela man yumi votim ol long Haus Asembli na taim ol i go kisim tok i kam na ol i no raun na tokim ol manmeri. Em tasol i gat hevi long ol manmeri. Memba man yu no ken slip long Haus Asembli. Yu mas mekim strong long man. Memba wantaim saveman i wok strong long bikpela taun na bus. Yu slip orait yu kisim selp gavman bai i no inap kamap gut long dispela kantri. Yupela i no ken slip.

Kabu Qaruck  
Chimbu

## TOKSAVE I GO LONG "P.M." BILONG SUMURIA:

Dia pren, mipela i kisim pinis wan dola long yu, tasol mipela i no inap salim WANTOK i kam long yu bikos yu no raitim nem na adres bilong yu. Mipela wetim tok bilong yu.

Edita

WANTOK BAI KAMAP  
GEN LONG NAMBA  
WAN TRINDE BILONG  
NOVEMBA, DE NAMBA  
4

# Nupela Wok Long Ministerial Memba

Long wik i go pinis namba wan gavman, Mista Johnson, i bin makim tupela ministerial memba bilong wanpela nupela wok.

Mista Lepani Watson (Kula Open) bai em i holim wok bilong namba tu ministerial memba bilong ol bisnis. Bipo em i namba tu ministerial memba bilong ol kopratif.

Mista Meck Singilong (Finschhafen Open) bai i holim wok bilong namba tu ministerial memba bilong bosim ol kalabus. Bipo em i namba tu ministerial memba bilong rural developmen.

Tupela memba hia i kisim tu tupela arapela wok bilong helpim tupela arapela memba i lusim Niugini liklik taim. Ol i makim Mista Watson helpman bilong ministerial memba bilong tret na indastri na Mista Singilong olsem helpman bilong ministerial memba

## Tok Long Takis Gen

Long las kibung bilong Haus Asembli ol i toktok planti long pasin bilong baim takis.

Mista Percy Chatterton bilong Port Moresby i tok wanpela singleman i no winim inap \$1,000 long wanpela yia i mas baim moa takis olsem wanpela maritman i gat tripela pikinini na i winim inap \$3,300.

Long tingting bilong Mista Chatterton dispela em i no stret, Ol Niuginian na Papuan ol i no gat tok inap nau, long wanem planti i save long wanpela kain takis tasol em takis bilong kaunsil bilong ol. Na dispela takis oltaim em i wan-kain long olgeta man.

bilong ol wok didiman.

Mista Josef Lue (Bougainville Regional), namba tu ministerial memba bilong bosim ol sip na trak, nau i kisim namba bilong helpman bilong ministerial memba bilong ol pablik wok. Mista Ashton i bin go lip.

Tarangu! Ol nius bilong ol gutpela samting i save wokabaut isi isi olsem trausel.

Ol nius bilong ol samting nogut i save flai i kam.

## Bisnis Long Bougainville

Gavman i baim pinis inap graun nau bilong pinisim biktaun Arawa long Bougainville.

Ol pipel i orait long dinau long 372 eka graun inap long 99 yia. Nau ol graun bilong taun i go inap 1,372 eka, na em inap long taun i ken go het gut.

Olgeta 6-pela mun ol papa bilong ol dispela graun bai i kisim pe inap \$9,348. Na olgeta 7-pela yia bai ol i stretim tok long graun gen.

Bougainville Kopa Kampani i orait long ol papa bilong graun i kan baim 7,000 hap insait long nupela kampani bilong ol.

Kopa Kampani bai i kamapim wanpela arapela kampani bilong helpim ol man bilong Bougainville mekim kain kain wok bisnis long taun Arawa. Bai kampani na ol man i insait wantaim. Sapos wanpela bisnis i ran gut, orait kampani bai i surik na i larim ol Niuginian tasol i ranin bisnis olgeta.

# GUISE I TING ATING MI BIRUA A?

Spika bilong Haus Asembli, Dokta John Guise i kam bek pinis long Fiji na em i tok ol ofisa bilong kastam long Brisbane i bin mekim save long em taim em i lusim Niugini na i flai i go long Fiji.

"Ol i mekim long mi olsem long wanpela birua o man nogut," Mista Guise i tok.

Taim Dokta Guise wantaim meri bilong em i kamap long ples balus bilong Brisbane, ol man bilong kastam i laik save em i gat wanem ol samting insait long paus bilong em. Em i tok em i karim sampela presen ol man bilong Niugini i laik givim long ol Fiji. Ol man bilong kastam i opim paus bilong Dokta Guise na ol i rausim wanpela stik bilong pait i gat het olsem wanpela ananas. Ol i tok em i tambu long bringim kain samting i kam insait long Australia. Dokta Guise i bekim tok, em i no kam bilong stap long

Australia; em i kam tasol bilong bungim balus i go long Fiji. Tasol ol ofisa i strong.

Bihain Dokta Guise i tokim ol kastam ofisa em i spika bilong Haus Asembli bilong Niugini. Nau ol i no gat tok moa. Ol i bekim stik pait long em na i go.

Dokta Guise i tok ol ofisa hia i bin semim em na em bai i kotim ol long namba wan gavman bilong Australia.

## TOK I DAI

Lokal gavman kaunsil bilong Wewak i bin kotim wanpela man bilong Nu Silan i wok long katolik misin bikos em i no baim takis bilong em. Man hia, Mista Bill Nagle, i kamap long kot, tasol i no gat wanpela man bilong kaunsil i kamap. Jas bilong kot, wanpela man bilong Papua nem bilong em Mista Kwalimu Lafena, i wet i wet tasol nogat. Olsem em i mekim dai tok bilong kot. Em i salim Mista Nagle i go.


## Pret Gavman Kisim Graun

Wanpela bikpela kampani bilong Australia, nem bilong em Broken Hill Kampani, i laik wok long painim gol kopa samting long Is Sepik Distrik.

Mista Michael Somare, memba bilong Is Sepik, i bin stap insait long wanpela kibung bilong lokal gavman kaunsil bilong Dreikikir taim ol man i toktok long dispela kampani. Mista Somare i tok em i pilim ol kaunsila hia i pret bai gavman i kisim graun bilong ol na i larim kampani i kam insait. Ol i pret sapos ol man i painim gol kopa samting, bai gavman i no askim ol papa bilong graun long laik na tingting bilong ol.

Mista Pita Lus, memba bilong Maprik, i tokim ol kaunsila em i ting mobeta ol i no givim laisens bilong lukautim gol samting inap long taim dispela kantri i kisim independens. Long dispela taim bai ol pipel yet i ken painim ol gutsamting i stap aninit long graun na winim bikpela man bilong ol yet.



Mista E.G. Hicks, namba wan kiap bilong Is Sepik Distrik, i laik ol pipel i orait long kampani i ken kam insait. Mista Dreise, man bilong helpim tingting bilong kaunsil, i tok mobeta ol kaunsila i go bek long ples pastaim na askim ol pipel long tingting na laik bilong ol yet.



## **Here's an airline that's really going places**

We're inaugurating new services all the time. Like our new daily services to Kieta (Bougainville). And now we've made application for the right to fly direct to the American-owned island of Guam. Our fleet of modern aircraft has been increased by the addition of the brand new Twin Otter 300 series. Our staff is continually increasing and so are our world-standard facilities. In every way Airlines of Papua-New Guinea is truly representative of the vigorous growth of the Territory. Together, we're really going places.

Oltaim oltaim mipela i flai long sampela nupela ples...olsem nau olgeta de long Kieta. Liklik taim bai mipela i flai i go long wampela ailan bilong Amerika i stap longwe moa, ol i kolim Guam. Nau tasol mipela i bungim tupela nupela balus tru, ol i kolim Twin Otter 300, long lain balus bilong mipela. Olde, olde mipela i go het - olsem Niugini tu i go het. Mitupela i go, i go, i go het wantaim.



**ANSETT AIRLINES OF PAPUA NEW GUINEA**

in conjunction with Ansett Airlines of Australia.

# Haus Marasin

bilong


**E.D. Clarke Pty. Ltd.**  
Rabaul & Kavieng

Em hia stua tru bilong  
baim olkain marasin na  
poto kamera samting.

Box 457  
RABAUL

Box 99  
KAVIENG

## Pasin Spak



Yes, ol wantok, long wik i go pinis yumi tok-tok long rot bilong kamapim gut kantri bilong yumi. Yumi tok pinis long ol wok bilong yumi long ileksen, vot na ol kain kain wok insait long ol politikal pati.

Sori tumas, mi bin lukim planti man i wok long daunim kantri bilong yumi long wanpela pasin i no stret tru. Mi tok long dispela pasin i kamap long ol taun bilong kisim fotnait na go spak long hotel o haus dring. Em yet mi bin lukim planti maritman i kisim mani bilong fotnait na em i no go long haus lukim famili bilong em na givim hap mani long ol pastaim, nogat. Em i go stret long hotel wantaim sampela wantok o pren bilong em. Nau ol i spak nogut tru na pinisim olgeta mani bilong em long hotel. Na planti maritman tu i save pait long hotel na taim ol i kam long haus i gat kros pait insait long famili.

Bilong wanem ol i pait Meri pikinini i nogat kaikai, klos, na olgeta

samting. Na mi ting i gutpela moa sapos maritman i kisim mani, tingim famili pastaim, tilim hap mani long ol. Na bihain em i ken spak long \$1.00 samting. Sapos yu no tingim famili bilong yu pastaim bai ol i painim klos, kaikai, marasin we?

Na wanpela samting moa. Yumi ol Kristen, taim yumi kisim ring em i olsem God yet i pasim yumitupela long marit, na yumi no ken lusim meri pikinini olsem samting nating. Yumi save sapos yumi baim trausis long ol Saina yumi no save lusim long haus bai i sting i stap. Nogat. Yumi laik pasim dispela trausis. Orait. I wankain long meri, famili bilong yu na lukautim ol gut. Lukaut long haus, dres, kaikai, marasin. Askim God long blesim famili bilong yu bai yupela stap gut na sindaun gut. Kain man olsem i save tingting long famili bilong em na mekim gut long ol dispela kain man i save helpim kantri i go het. Man bilong spak i save daunim na spoilim kantri bilong yumi.

## Traim Save Winim Mani

1. Yu mas bekim dispela pilai i kam long mipela inap long de namba 10 bilong Novemba.
2. Yu mas yusim dispela piksa bilong niuspepa stret.
3. I tambu long olgeta manmeri i wok long Wantok Publications Inc. na Wirui Press long kam insait long dispela roci.


27. yu na mi wantaim
29. insait (long tok Inglis)
31. sapos em i.... yu laikim
33. wanpela de bilong wik
34. mi tasol

### Rit i go daun:

1. bilong pulim pis
2. samting bilong dring
3. paitim long fut
4. pasim wantaim glu
5. bilong katim diwai
7. olgeta haus i gat wanpela
8. wanpela lip nogut i skrap tumas
11. go arere long samting
12. nem bilong kantri bilong yumi
13. ol i salim tok long en
14. yu paitim na musik i kamap
17. as tasol
20. i olsem kukamba
21. bilong haisapim ol samting
23. boskru
26. klok i soim
28. "hooray" long tok pisin
30. wantaim
32. solwara i kalap

### Rit i go long raithan:

2. dispela de
3. ol meri i save pasim
6. ol trikman i save tumas long dispela
8. samting bilong sindaun
9. bikpela tamiok
10. laikim tumas long kisim
15. samting bilong dring
16. ol soldia i stap long em.
17. "arrowroot" long tok pisin.
18. abus
19. i swit tumas
21. klinim long wara
22. yu ken pulimapim samting long en
24. rait INU tasol
25. bilong pasim trausis



# Dinau Long Bisnis Bulmakau

Developmen Beng bilong Niugini i givim \$7,000 long wanpela man long hap bilong Sialum, insait long Finschhafen sub-distrik long mekim bisnis bulmakau bilong em i go bikpela.

Namba wan bilong Developmen Beng long Lae, Mista K. Bull i bin tok long dispela taim em i kam bek long lukluk raun bilong em long hap bilong Sialum.

Em i tok beng i givim dinau long wanpela man, Nawa na Nawa i gat wanpela bul na etpela kau. Nawa em i namba wan tru long kisim dinau long beng long hap bilong Sialum.

Mista Bull i tok, Nawa bai yusim dispela mani long baim sampela moa kau, na samting bilong

wokim banis raun long olsem 400 eka bilong ol namba wan lain bulmakau i stap insait long en.

Nawa bai bekim dinau mani bilong em long namba sikis yia bihain long taim em i mekim dispela wok bilong em na em i ting long dispela taim bai em i gat samting olsem 80 bulmakau na dispela bai inap long \$8,000.

Mista Bull i tok sapos Nawa i banisim dispela 400 eka bai em i gat bulmakau na prais bai inap long 20,000 na 25,000 dola.

Tupela arapela man tu bilong hap bilong Sialum i kisim liklik dinau mani tu long mekim bisnis bulmakau bilong tupela i go bikpela.

# Severinus Ampaoi Winim Resis

Man i winim dispela resis long Wantok namba 4, em i Mista Severinus Ampaoi, long Panguna.

Dispela ol man i bin kisim stretpela mak long dispela resis wantaim Severinus Ampaoi. Em hia nem bilong ol:-

David Yaninen, Kokopo; John Kanai, Sanugwuge, Wirui; Lucia Mainbuok, Aitape; John Owiako, Warapu; Joseph Manira, Warapu; Henry Agabis, Madang; Cosy Cony, Kaindi; Joseph Kaku, Ulingen; Emil Blassa, Sissano; Anna Amut, Warapu; Vincent Pila, Sissano; Bertha Rimun, Warapu; Mike Nemo, Wewak; John Ulai, Toboi; Martin Mawora, Ulingen; Gabriel Lee, Timbunke; Emil A. Gagi, Madang; Michael I. Akom, Ulingen; Peter A. Onamte, Alexis-hafen; Jacob Hampy, Kaindi; Buffrey Austin, Madang; Alex Kolohu, Wa-

rabung; Norbert Wamaingu, Mt. Hagen; Caspar Anggua, Madang; A. Thompson, Iae, Michael I. Akom, Ulingen; Martin Kilimbu; Bulolo; Clement J. Moll, Wewak; Lukas Orelly, Nimas; Alphones Aigna, Nimas; Matias Bau; Wewak; Simon Suawol, Ulingen; Andrew Yasangi, Madang; Serenus A. Banip, Madang.

## BENG OPIM NUPELA OFIS

Developmen Beng bilong Niugini i opim pinis nupele ofis long etpela distrik long Teritori. Ol etpela ofis i stap long: Kieta, Daru, Wewak, Popondetta, Madang, Kimbe, Kavieng na Goroka. Em i bilong mekim ol distrik i go het hariap.



Em hia sampela lip tabak em ol i planim yet long Teritori i stap long fektori bilong wokim tabak long Madang.

# SAVEM GHANA LONG



Long dispela poto yu memba bilong Haus wanpela nupela kantri long dispela kantri lo. Ol bikpela man hia long hap bilong Maun naispela ples tru na ap long mekim em i Tasol ol i strong lo meri i mas skul plant mas pulapim ol teknik. Ol dispela saveman taim ol i lukluk ra tasol meri nogat. Lon na long Kumdi long h tok strong long ol inap long ol man. Me bai i mama. Na mama gat save. Ol saveman long Niugini i sinde ol man bihain. Em pas

Mista B.K. Adama, hetman bilong Haus Asembli bilong Ghana i stap insait long Kumdi Haiskul long Baiyer Riva.



Tupela memba bilong Haus Asembli bilong Ghana: Mista B.K. Adama (lephan) na Mista A. Okudzeto.



Mista C.A. Lokko, kuskus b toktok wantaim sampela sku



# DNG RAUN INS

es bilong sampela  
long Ghana, em i  
a. WANTOK i stori  
go pinis.

mpela skul na wok  
i ting Niugini i  
na ol samting in-  
abawan kantri tru,  
samting:ol man-  
ti sumatin moa i

ana i kirap nogut  
lukim planti man,  
oilong Moun Hagen  
Baiyer Riva, ol i  
l i mas kisim save  
bis samting. Meri  
e i mekim kantri i  
laikim bai ol meri  
n long ol skul na  
Ghana yet.




Sampela saveman bilong Haus Asembli bilong Ghana i kam luk-  
luk raun long hap bilong Baiyer Riva long Westen Hailans.



aus Asembli bilong Ghana, i  
long haikul long Kumdi.



Mista B.A.Lokko, kuskus bilong Haus Asembli,  
na Mista K.B. Ntim, bosman bilong ol kopratif.



Ol man i trein long fiksim waia bilong elektrik long Port Moresby i fiksim waia i stap antap tru long graun na dispela tupela man i pasim strongpela rop long holim tupela strong. (Piksa D.I.E.S.)

## Wanem Tingting Bilong Ol

I no longtaim i go pinis, Presiden bilong Goroka Lokal Gavman Kaunsil, Mista Iyape Noku, i tok em na tri-pela memba bilong Kaunsil bai go raun long fopela arapela distrik long kisim aidia bilong ol pipel long selp gavman na independens.

Dispela fopela man bai go lukluk long Bouganvil (Bougainville), Niu Britain na Is na Wes Sepik Distrik.

Insait long miting sampela memba i wari long wanem plenti pipel i laikim selp gavman na independens nau tasol. Ol i tingting long painim aut sapos planti pipel i gat wankain tingting.

## Tupela Kam Bek Long Sidni

Tupela man bilong skurim paip samting insait long Dipatmen bilong Pablik Wok i kam bek long Port Moresby bihain tupela i trein inap 6-pela mun long Australia.

Em tupela man hia: Mista Orim Tongia, kris-mas bilong em 30 na Mista Christopher Friday, kris-mas bilong em 24. Dispela tupela man hia i bilong Rabaul. Taim dispela tupela man i stap long Australia, tupela i wok long Concord Repatriation Hospital long Sydney. Tupela i mekim dispela wok long masin i stap long haus-sik.

Mista Tongia na Mista Friday i lain long dispela wok long ol bikpela masin. Ol dispela masin i bikpela moa long olgeta masin hia long Niugini.

## Lukim Olgeta Kaunsil

Presiden bilong Lokal Gavman Asosiesen bilong Niugini Mista Robert Seeto, i tingting long go raun long Teritori. Em i laik lukim olgeta kaunsil long 9-pela mun bihain, na tokaut long ol pasin bilong 3-pela rot gavman bai i wok.

Mista Seeto, em i presiden bilong Namatanai Lokal Gavman Kaunsil, na em i stat long mekim lukluk raun long distrik bilong em pinis.

Long Tunde Oktoba 6, em i kamap long Nu Ailan Lokal Gavman Kaunsil long Konos. Mista Seeto

i tokaut long ol kaunsil long ol tingting ol i ting bai i wankain olsem tingting bilong gavman.

Mista Seeto i tok, dispela wok bai i go het inap 9-pela mun olgeta long lukim 146 kaunsil insait long Teritori. Taim Mista Seeto i go, long wanpela distrik bai i mas i gat miting.

Mista Seeto i tok, ol arapela ples bai em i go lukim em long, Mt. Hagen, Goroka, na Lae. Dispela ol nem i stap long wanpela hap pepa bilong em. Mista Seeto i tok bai em i lukim ol dispela ples long mun

Novemba.

Mista Seeto i tok, em i wok bilong Lokal Gavman Asosiesen long tokaut long olgeta wok bilong mekim lokal gavman insait long Teritori go het.

I gat 26,651 motoka long Niugini ol i kisim laisens pinis.

I gat moa olsem 18,000 netif draiva long Niugini.

I gat 142 balus long Niugini. I gat 11-pela misin i gat balus bilong ol.

# HELT

Bipo mi bin rait long sampela wok bilong Infan Welfe Nes. Mi tok olsem ol dispela nes i trening long lukautim meri i gat bel na ol yangpela pikinini. Sapos ol meri i mekim dispela samting ol dispela sista i tokim ol, bai ol i helpim planti long stapim sik insait long dispela kantri.

Dispela wik bai mi rait long ol samting i save bringim planti sik long olgeta hap bilong graun. Mi bai rait long ol lang. Ol dispela binatang i liklik samting nogut tru, tasol olgeta taim ol i save stap long ples doti. Ol i save karim planti liklik jerm i go long ol arapela ples. Dispela ol binatang i save bringim kain sik inap long kilim planti man, meri, na liklik pikinini.

Nau yumi lukim piksa bilong lang. Em i gat planti gras long skin bilong em, na long bodi na lek bilong em tu. Orait, sapos lang i wok-abaut insait long doti, bai ol doti i pas i stap long gras bilong en. Sapos lang i sindaun antap long kaikai bilong yumi; orait em i larim ol dispela doti i stap

## Sampela Haus Long Arawa I Pinis

Sampela nupela haus i sanap pinis long Arawa. Arawa em bai i bikples bilong Kopa kampani long Boganvil. Ol dispela haus i redi pinis long mun Septemba o long namel bilong Oktoba.

Ol tu i wokim haus bilong ol marit. Ol i pinisim pinis na ol man bai sindaun long ol long taim ol waitman i kisim haus bilong ol.

Ol i bin wokim tu wanpela pos ofis.

Bihain long tupela yia bai i gat 500 haus long

long kaikai bilong yumi. Sapos yumi kaikai dispela doti bai kwiktam yumi kisim sik.

Lang i gat wanpela mambu i stap long maus bilong em. Long dispela mambu em i save pulim kaikai na sampela taim em i trautilim bek. Yumi save, oltaim yumi save lukim planti lang i stap long smolhaus. Ol i save kaikai pekpek. Ol i lusim smolhaus ol i flai i go we? Ating stret long kaikai bilong yumi. Sapos ol i mekim olsem, bai trautilim sampela dispela pekpek na larim i stap antap long kaikai bilong yumi. Taim yumi kaikai, bai yumi daunim pekpek wantaim. Man, samting nogut tru.

I gat tripela samting yumi ken mekim bai ol lang i no bagarapim kaikai bilong yumi. Em hia:

1. Yumi no ken tromoim pipia long arere bilong haus. Kukim na planim long hul.

2. Lukaut bai smolhaus i klin; oltaim yumi mas karamapim hul bilong em long tuptup.


3. Karamapim olgeta kaikai long klinpela laplap, o long lip bilong banana.

Sapos yumi tingim ol dispela samting, bai yumi stapim ol lang ol i no ken bringim sik long ol pipel long ples bilong yumi.

dispela taun, Arawa.

Ol i wokim tu wanpela nupela pasis. Long dispela ol i holim wok long san na long nait tu. Ol i wokim wanpela hap bris pinis na nau sip i bringim ol samting bilong kaikai i kam sua long dispela bris.

Sapos wanpela man i lukluk gut long liklik samting, bai em i lukaut gut long bikpela samting tu. Na man i no save wok stret long liklik samting, bai em i no save wok stret long bikpela samting. (Luk 16,10)



## KODAK INSTAMATIK Kamera 133

Em hia wanpela kamera inap olgeta wokman i ken baim. Olgeta skulboi inap long kisim poto long en. Em i isi tumas.

Em i kostim \$13.50 tasol.

- Sapos yu gat wanpela KODAK INSTAMATIK KAMERA bai yu win tru.
- Yu inap kisim poto long biksan, long taim klaut i pas, long ples tudak olgeta na long nait.
- KODAK INSTAMATIK i gat wanpela liklik bateri na liklik lait insait long en.
- KODAK INSTAMATIK i gat wanpela paspas let bilong karim karim nabaut wantaim yu.

yu baim long: **RABAU PHARMACY**  
P.O. Box 76 RABAU Telefon 2504

## OLGETA KAIN KAIN SEL

BILONG SIP, TRAK, PLANTESIN  
O HAUS I GO ANTAP LONG HAP KA

## MIPELA SAVE WOKIM GUT

Mipela save wokim gut sel long olgeta kain kain laplap. Ol i nambawan kain laplap bilong sanap strong long san i hat na bikpela ren long dispela kantri hia. Laplap hia ol i kolim katen, o kanis, o nailon. Sapos yu laik askim sel i kostim hamas, yu mas raitim pas i kam long mipela stret na toksave long wanem kain sel yu laik, na bikpela bilong em. Na mipela bekim pas i kam bek stret long yu. Ating ol kepten bilong ol smolpela sip i save pinis long mipela. Faktori bilong mipela i save tumas long wokim planti sel moa bilong ol. Yu rait long mipela pastaim!

\* MI KEN SALIM I GO INSAIT LONG 24 AUA

\* SALIM I GO LONG OLGETA HAP PLES

## CANVAS & CORDAGE PTY. LTD.

AH CHEE AV., RABAU.

P.O. BOX 476

PHONE 2008.



NAMBA WAN STUA LONG PAPUA  
 NA NEW GUINEA BILONG BAIM  
 GUTPELA KAIKAI NA OLGETA  
 KAIN SAMTING. TAIM YU LAIK  
 GO LONG STUA...YU GO LONG  
 STUA BILONG CARPENTERS

**PORT MORESBY**

**MADANG**


**RABAU**

**LAE**

# TU DOLA

Sapos yu salim \$2 (tu dola)  
 i kam long mipela  
 bai mipela i salim niuspepa WANTOK  
 i go 14 pela taim long yu.

Em i kam  
 long balus.



Sapos yu laik kisim  
 niuspepa WANTOK  
 yu mas salim dispela  
 hap niuspepa i kam  
 bek wantaim \$2 (tu  
 dola).

Adres bilong mipela  
 em hia:  
 WANTOK PUBLICATIONS  
 INC.,  
 P.O. BOX 298, WEWAK.

NEM BILONG YU HIA:

ADRES BILONG YU HIA:

# BRAZIL

Brazil is called "the land of a thousand rivers". - but it could just as easily be called "the land of one river". For Brazil's thousand small rivers all flow into one, the mighty Amazon. At its outlet to the sea, the Amazon delta measures some 200 miles across! far bigger than Niugini's largest river, the Sepik.

Niugini should take a good look at a successful experiment the Brazilians tried ten years ago. In 1960, the 460th anniversary of the discovery of Brazil, a new capital city was opened. This was Brasilia, 600 miles northwest of Rio de Janeiro, the former capital.

If Arona Valley, in the Eastern Highlands is finally chosen for Niugini's new capital, Niuginians will be following the example of Brazilians half way around the world. Their old capital was on the coast (like Port Moresby) and their new one was built in a cooler, higher area.

Like Niugini, Brazil grows a lot of coffee, and cacao. It grows about half the world's coffee. Its other important crops are beans, bananas, cassava, oranges, pineapples, sugar cane, corn, rice, tobacco and cotton. It is South America's leading meat producer, and is among the world's top producers of cattle and pigs. Brazil is also an important horse-raising country.

But Brazil also produces many things that Niugini must import into the country. These include cars, buses, trucks, machinery, leather and paper products, rubber products, iron and steel.

Like Niugini, Brazil has big problems with transport. Ships carry most of Brazil's goods between the cities on

the coast, and the interior areas rely on river and air transportation. Brazil has more than 1200 airports.

More than 260 newspapers and 800 magazines are published in Brazil, one of them being more than 140 years old. And Brazil has more than 700 radio stations!

Brazil is the fifth largest country in the world, after Russia, Canada, China and the United States. It has an estimated population of 88 million and covers two thirds of the entire area of South America. It was discovered in 1500 by Portuguese explorers and so has a long history of growth and progress.

However, not all the people share in the progress of the country. A few of the landowning families are rich, and some Brazilians in the cities can afford cars and expensive houses. But most of the people, especially those working inland on farms, earn only a bare living. Most of Brazil's farm families live on the simplest of food and their homes are made of branches and mud. Even in the cities, the unskilled workers earn very little and live in very poor crowded conditions.

Brazil's government operates under the Presidential system. The President is elected directly by the people for a five year term. He may not serve two terms running, but may miss one and then be re-elected.

A two-house national assembly makes Brazil's laws. One house is of senators, elected from each of the 22 states and the federal district, Brasilia. The Chamber of Deputies has about 400 members elected from the states, with the most members coming from those states with most people.

Soccer and basket-ball are very popular sports with Brazilians. They



This Brazilian cacao farmer dries his beans in the open air, as many farmers do in Niugini. Brazil's cacao beans provide a lot of the world's chocolate and cocoa.



In southern Brazil, cotton is a major crop. Here a husband and wife harvest the crop in large baskets.

---


## Bee Hives

The Vocational School at Ihu in the Gulf District has what is probably one of the most unusual projects of the Territory school - a hive of bees. Mr. Phil Shea, the teacher in charge of the school, brought the bees from Australia in January last year, for the cross-pollination of pumpkins, and to see how

---

have been three times world soccer champion and twice world basket ball champion.

bees would live in the tropics and it looks as though the single hive would develop into a bee-keeping project of the school. During the past year they have swarmed several times, and are already spreading throughout the district. Bees have been seen as far as 50 miles from Ihu. Next time the bees swarm, however, they will be transferred to new hives, and the pupils will learn to look after them, and how to make honey.



Teacher trainees at Goroka Teachers' College study hard with end-of-year examinations coming up.



Students at Goroka Teachers' College enjoy a new mathematics class.

# New Appointment

The Departmental Head of the Education Department, Dr. K.R. McKinnon, announced recently that Mr. Waterhouse Wai Wai would be transferred to Rabaul as District Inspector of Education for the East New Britain District.

Mr. Wai Wai is currently District Inspector for the New Ireland District.

He completed teacher training at Sogeri Education Centre in 1956 and joined the Education Department in 1957.

He has attended a six months supervisory course at Port Moresby Teachers' College in 1959; senior officers' course at the Administrative College in 1963 and also attended a State I course

at the College in 1967. He has made several overseas trips including Honiara and West Irian.

He was also assistant district inspector of schools in the Chimbu District before being posted to Kavieng.

Dr. McKinnon said one of Mr. Wai Wai's duties as District Inspector would be to co-operate with the political education campaign in the East New Britain area.

Mr. Wai Wai would have a particular responsibility for overseeing political education activities in high schools and tertiary institutions.

Wantok Publications,  
P.O. Box 298, Wewak, i  
wokim, na Wirui Pres  
long Wewak i prininim.



Na planti manmeri i bin mekim posin na marila samting ol i bungim buk bilong ol na kukim long paia long ai bilong olgeta manmeri.... Long dispela pasin tok bilong Bikpela em i kamapim strong bilong en, na em i kamap bikpela na i win. (Aposel 19:19, 20.)

(Baibel Sosaiti i orait long mipela i ken prininim dispela piksa.)

MALAGUNA RD

Cables:

RABMETIN RABAU



RABAU T.P.N.G.

Postal Address:

P.O. BOX 62 RABAU

## RABAU METAL INDUSTRIES PTY. LTD.

★ SHEET METAL WORKERS & EQUIPMENT FABRICATORS  
★ JOBBING SPECIALISTS IN ALL METALS

"ANY QUANTITY — ANY DESIGN"

Manufacturers of:

- Fuel & Water Tanks — Roof Materials
- Sheet Metal Products — Mild Steel Products
- Frame Fabrication in Pipe & Steel
- Stainless Steel Products

Plantation Requisites Including:


- Kiln Pipes, Flue Pipes, Smoke Boxes & Drum Bands
- Fireproof Cements, Fire Bricks & Cast Iron Lead Pipes

For Detailed Information on R.M.I. Manufacturing  
Refer to the Above Trade Mark Under  
the Following Classifications:

- STEEL FABRICATORS ● TANK MANUFACTURERS
- STAINLESS STEEL PRODUCTS
- DRYERS' SUPPLIES ● WELDERS

TELEPHONE RABAU

# 2062 - 2063 - 3162



Sapos mipela i salim  
i kam long balus:

7 pela taim i kostim	\$1.00
14 pela taim i kostim	\$2.00
21 pela taim i kostim	\$3.00
28 pela taim i kostim	\$4.00

Overseas rates on application.

Wantok Publications Inc.,  
P.O. Box 298, Wewak

### ADVERTISING RATES

Casual \$2.00 per single column inch.

3 insertions over 12 months	\$1.85
6 insertions over 12 months	\$1.70
12 insertions over 12 months	\$1.55
24 insertions over 12 months	\$1.40

Classified Advertising: 65 cents first  
2 lines; 30 cents each additional line.

Published 1st and 3rd Wednesday of the month.



Em hia tupela soldia bilong Nu Briten i stap long Murray Barracks long Port Moresby. Long wanpela singsing ol soldia i bin mekim, ol man bilong ples Gunamba i laik soim pasin bilong skulim ol manki long karim pen. Hia yu lukim Michael Telbi i paitim han bilong Leonard Rabat long wanpela strongpela kanda, tasol pes bilong Leonard i no soim pen olgeta.



Wanpela man i save tumas long olkain pis wantaim helpman bilong em, Mista Walowi Baluga, tupela i putim mak long wanpela nupela kain pis ol i kolim baramundi. Tupela i bringim 9,000 dispela kain pis i kam na tupela i laik was dispela kain pis i ken go bikpela kwiktaim tumas long Niugini o nogat.

Olgeta tok  
i stap long dispela niuspepa  
ol i bin paitim pastaim  
long wanpela masin bilong rait.  
nem bilong em . . .

*Olympia*

TERRITORY AGENTS

**BRECKWOLDT & CO. (N.G.) PTY. LTD.**

PORT MORESBY  
P.O. Box 1549, Boroko.

MADANG  
P.O. Box 185

LAE  
P.O. Box 557

RABAU  
P.O. Box 222

MT HAGEN  
P.O. Box 237

WEWAK  
P.O. Box 178

KIETA  
P.O. Box 72